

HIERONYMUS.

ΕΥΣΕΒΙΟΣ.

EUSEBIUS.

¹ SORETH, in tribu Dan, ubi Samson fuisse legimus, juxta Esthaol, de qua supra diximus.

Σωρήκ, κλήρε Δάν, ἔνθα ἦν Σαμ-
ῶν πλησίον τῆς λεγομένης Εἰσθαόλ.

SORECH, fortis Dan, ubi erat Samson, prope urbem dictam Esthaol.

SPARTA, à qua Spartiata incolæ, urbs est Laconica primaria, postea LACEDÆMON dicta. STAGNUM GENESARETH. Vide MARE GENESARETH.

SUAL, terra 1 Reg. xiii. v. 17. quantum colligi potest ex Ephra, quæ illi conjungitur, videtur fuisse in dimidia tribu Manasse Cis-Jordanina, cum & Ephra illa Gedeonis patria in eadem tribu fuerit.

² SUBA, cujus regem percussit David.

Σεβὰ, ταύτης τὸν βασιλέα ἐπά-
ταξε Δαβίδ.

SUBA, hujus regem percussit David.

³ SULEM, in tribu Issachar, & usque hodie vicus ostenditur nomine Sulem in quinto milliario Thabor montis, contra Australem plagam.

Σεβήμ, κλήρε Ἰσάχαρ. καὶ νῦν
ἐστὶ κώμη Σεβλή, ὡς ἀπὸ σημείων ἐ-
τοῦ Θαβώρ ὄρεος κατὰ νότον.

SUBEM, in forte Issachar. est-
que modo vicus Sule quasi in quin-
to milliario montis Thabor contra
Australem plagam.

SUNAM & SUNEM. Vide SONAM & SULEM.

SUPH, terra ea dicta est, quæ erat juxta Ramatha 1 Reg. ix. v. 5. cujus inditi nominis rationem ad eum locum investigabimus.

⁴ SUR, ubi invenit Angelus ancillam Saræ Agar, inter Cades & Barad. Extenditur autem desertum Sur usque ad mare rubrum, quod ad Ægypti confinia pervenit. Porro Cades solitudo est super urbem Petram. Sed & Scriptura desertum Cades contra faciem Ægypti extendi memorat: ad quod primum venerunt Hebræi, rubro mari transvadato.

⁵ SUR OREB, quod Aquila interpretatur, petra Oreb.

Σούρ Ὠρέβ, πέτρα Ὠρέβ.

SUR OREB, petra Oreb.

SUSA, Susianæ in Asia trans Tigrim metropolis, & urbs insignis inter Babyloniam & Persidem sita Ptolemæo, Straboni; Persidi Stephanus adscribit: sed & Strabo Lib. xv. Susianam ait ferè Persidis partem esse. In hac Cyrus & Persarum reges, subactis Medis & Babiloniâ, regiam suam collocarunt.

SUSAN, toto libro Esther eadem, quæ alibi in Scriptura, & apud prophanos scriptores SUSA passim dicitur, de quâ proximè diximus.

SYENE. Vide SOENE.

SYRACUSA, cujus fit mentio Act. xxviii. v. 12. vel ut ferè numero plurali efferunt profani Scriptores, SYRACUSÆ urbs est Siciliæ amplissima & opulentissima. Eam Cicero Lib. iv. in Verrem, & Plutarchus in vita Marcelli, quatuor urbibus constare tradunt; quatuor urbibus, videlicet conjunctis; quarum singulæ suos muros & portas haberent, quæ unam ab aliis separarent, etsi uno in ambitu muro communi continerentur. Strabo Lib. vi. quinque hujusmodi urbibus olim constituisse dicit, quarum murus, quo continebantur, in ambitu centum octoginta stadia complecteretur, hoc est septem vel octo horaria milliaria.

SYRIA, nota & latè patens Asiæ regio, quam Hebræi ARAM appellant, in varia membra & partes etiam in Scripturâ divisa: legimus enim Syriam Soba, Syriam Maacha, Syriam Damasci, Syriam Rohob, Mesopotamiam Syriæ, quæ in Hebræo appellatur Syria Padan, seu Syria duorum fluviorum, interjecta videlicet inter Tigrim & Euphratem. Apud prophanos verò Scriptores distribuitur in Cælesyriam, Palmyrinam, Chalcidicem, Cassiotidem, Phœniciam, Apamenem, Laodicinem, Commagenam, Chalibonitidem, Cyrrbesticam, Piëriam, Seleucidem.

NOTÆ.

1. Saraa an Sorec torrens, de quo proximè dictum est, his verbis significetur obscurum est, cum in utraque Samson fuerit: pro Saraa facit, quod in Scriptura juxta Esthaol ponatur, & quod Hieronymus hic ad præcedentia se referat, ubi de Saraa, non de Sorec ab eo actum fuerat: vox tamen, quæ apud Hieronymum & Eusebium est, potius Sorec indicat. BONFRERIUS.

2. In versione nostra ferè Soba appellatur, subinde Suba, vel Sobal, de qua diximus in Soba. De Adarezer rege Soba à Davide percusso & subacto habes 2 Reg. 8. v. 3. & 1 Paral. 18. v. 3. IDEM.

3. Hæc est eadem cum eâ, quæ Sunam vel Sunem in versione nostra dicitur, de qua in Sonam diximus: sed & in codicibus Septuaginta Interpretum non aliter legimus quàm Sonam, Sunam, vel Sunem,

sive ubi tribui Issachar adscribitur Jos. 19. v. 18. sive alibi. IDEM.

4. Fuit Sur desertum, vel pars deserti Arabiæ Petrææ, quæ extremitati maris rubri & Ægypto vicinior est, extenditur verò versus Aquilonem ad terminos Australes terræ promissæ. Porro per Cades hic Cadesbarne intellige, non Cades alteram, in quâ populo aqua è petra anno peregrinationis quadragesimoeducta est Num. 20. IDEM.

5. Eodem modo & Hieronymus in nostra versione Petra Oreb dixit, Judic. 7. v. 25. ubi Septuaginta Interpretes vocem Hebraicam retinuerunt, Sur Oreb; ἢ Isur vel Sur petram significat. Dicta est autem Petra Oreb ab Oreb uno è Madianitarum regulis ibi interfecto. Ubi autem locus hic fuerit, conjecturam nostram supra attulimus in Petra Oreb. IDEM.